


三家詠物詩
謝宗可瞿宗吉
張木庵

逍遙文庫
文庫 6
1057



文庫
1023

謝宗可 瞿宗吉 張木威

三家詠物

老山管原
梅屋松井三先生校閱
詩禪梁



海
宗
詠
物

詠物小々體也

詩集卷之三
詠物小々體也
三先生校閱

詠物小々體也。而老杜詠房兵燹胡馬則云所向無空濶。真堪托
死生。德性之調良。俱為傳出。鄒都官詠鷓鴣則云雨暗青草湖邊
過。花落黃陵廟裡啼。此亦以神韻勝也。彼胸無寄託。筆無遠情。
如謝宗可曜祐之流。直猜迷語耳。說詩晬語 沈德潛

詠物

無情無知者也。詩以詠物，物之有心，我能忖度之；言其意，說其志，物不有心，我能竭其情，盡其態。凡天地間物，不能追其筆端之鼓儻矣。是詩人比興之妙。自詩三百篇以降，至于李唐趙宋，世世有詠物詩，而寓巧趣於于斯。寄才力於于斯。至若使不能言者能言，不能動者能動，轉非情為有情，起死物為活物矣。吾聞賦事虛而易，譬猶畫寫鬼神，詠物實而

難，譬猶畫描人物，抑難矣。以故遂別一種體裁。至元殊為盛，先是無輯編詠物詩為一篇書者也。其為之昉于元人陸都刺謝宗可。繼之明有瞿宗吉、清有張木威，咸詠物軌範也。吾門人美濃、管原、冰清、精于學，善于詩，為人溫潤敦厚，其中還洒洒落落，如光風霽月，與仙臺詩人松井長民、美濃詩人梁伯兔相善。長民伯兔亦皆洒洒落落，不羈乎塵俗矣。三

子於詩殊好詠物嘗得合刻謝瞿張三家詠物善本與友人詩佛淡齋綠陰枝離數回遂命剖剝氏今茲文化庚午杪冬既卒業以敷于世其功於詠物邃矣釀矣博矣清矣其作詩蓋亦類此云

菱湖卷大任書

華霞年鑄

詠物詩諷託為上肖形次之或尚渾含或尚纖細唐宋諸家集中間有之如老杜之詠孤雁憑物作興以洩感激悲憤之情深得於諷託者也其餘李嶠以下鄭鷓鴣謝胡蝶氣象渾含皆詠物之選也其續詠物詩為一書者昉於元謝宗可謝詩刻畫取善摹寫形色繼而效之者明瞿宗吉清張木威亦各命新題愈出愈巧雖瑣瑣雜玩之物亦收之筆頭而不遺其詩雖互有軒輊皆得於肖形者也要之逞才鬪工擅勝一時能驅使萬物繪聲繪影至今夫天地間無情之物盡獻其情慙讀之覺有筆歌墨舞之樂則吾竊有

取諸三家之織細為曩日詩佛綠陰淡齋諸子校訂
三家詠物詩功竣未刻己巳之春余偶來自松島重
叅吟社竟上之木以貽同好庚午至日梅屋輔題

此處為書中文字之印影，內容模糊不清，難以辨認。

詠物家傳神為上傳形為下運思罔象求諸無何有
之鄉躍然以出故其指趣遠光彩深唐人近得三昧
間多嘽緩之調宋元以下其細已甚乏鼓鐘之音謝
宗可元人也獨以空靈駘蕩擅勝一時瞿宗吉間代
爭場托意多而取意寡軒輊有分亦其亞也余盱衡
往作折肱久之求其美備廣踰百篇者不少概見頃
從名山搜得二家舊本中多根銀之謫力為校正補
其缺亾乃甲乙而合之會吾木成師復以百二十五
首機軸各分鼎足可埒遂合訂之為三家詠物詩噫
文人若心期于必傳而傳者幾人况詠物其尤難者

乎或得之一知半見沾沾自足謂為絕唱者又何異
 宋人之燕石也茲纍纍三百篇輝映後先亦足以紀
 江左之風流已寓內才人專工不勤無寧以余之少
 所見也而多怪矣乎時康熙五十三年歲在閏逢敦
 牂月在中呂丙子拙嘉興賀光烈叙

詠物詩總目

元金陵謝宗可集 一百六首

明錢塘瞿佑宗吉集 一百首

清嘉興張劭博山集 一字木威 一百二十五首

詠物詩
 卷之四
 謝宗可
 一百六首

詠物詩

元 謝宗可



補巢銜得落花泥，困倚東風倦翼低。
 金屋書闌隨蝶化，雕梁春靜怕鶯啼。
 魂飛漢殿人應老，夢入烏衣路欲迷。
 却被捲簾人喚醒，小橋流水夕陽西。

不趨游蜂上下，狂閑舒倦翅怯尋芳。
 花房舞罷春酣重，蕙徑栖遲曉夢長。
 貪困有誰憐褪粉，返魂無力去偷香。
 漆園傲吏忘形久，莫到蘧蘧枕上忙。

紙帳

清懸四壁剡溪霜，高臥梅花月半床。
幽窺有天春不老，瑤臺無夜雪生香。
覺來虛白神光發，睡去清閑好夢長。
一枕總無塵土氣，何妨留我白雲鄉。

紙衾

霜搗谿藤一幅新，醉來高臥付詩人。
松床夜煖雲生席，蕙帳香融雪滿身。
翡翠多情嫌寂寞，鴛鴦無分樂清貧。
枕邊不作紅塵夢，睡足梅花玉洞春。

茶筴

此君一節瑩無瑕，夜聽松聲漱玉華。
萬縷引風歸蟹

眼半瓶飛雪起龍牙，香凝翠髮雲生脚。
濕滿蒼髯浪捲花，到手纖毫皆盡力，多應不負玉川家。

酒旗

水村山郭酒初香，紵影青青字一行。
墟畔低懸花露濕，檐陰斜揭柳風涼。
指揮意馬衝愁陣，搖曳心旌入醉鄉。
惆悵步兵招不起，半竿空自舞斜陽。

詩瓢

兩蔓霜條老翠壺，吟邊不是酒胡盧。
剖開架上輪囷玉，著盡胸中錯落珠。
滿貯苦心留宇宙，深藏清氣付江湖。
誰家半腹能千首，為問山人果在無。

筆陣

授策登壇拜墨卿，霜毫不用鐵為兵。戰酣已拔三都壘，奏捷還攻五字城。怒捲龍蛇雲霧泣，長驅風雨鬼神驚。攀蟾獨掃千軍退，功奪中書第一名。

雁賓

地北天南萬里身，驚寒昨夜過邊城。暫隨沙漠秋來夢，留得湘江社後春。水宿雲飛同是客，風嘹月唳自相親。荒汀斷渚年年路，應認蘆花作主人。

蝶使

頰紅降紫繞芳菲，催就東風錦萬機。採訪有心香外

舞指揮無計日邊飛，曉穿竹徑應持節。暖駐花房欲繡衣，可解黃花驚別夢。折梅休恨寄難歸。

雁字

蘆花月底寄秋情，陣影南飛勢不停。一畫寫開湘水碧，半行草破楚天青。雲牋冷印蟲書迹，烟墨濃摹鳥篆形。題盡子卿心事苦，斷文無數落寒汀。

鶯梭

自織春風金縷衣，穿紅度翠往來飛。柳堤暗捲絲千尺，花塢橫拋錦萬機。時見枝頭梢蝶去，不愁壁上化龍歸。羞同杼軸勞紅女，一擲遷喬願有違。

龍杖

鱗甲光搖玉一枝，幽宮躍出袖中持。多因掌握提携晚，休恨飛騰變化遲。緩策不愁山雨濕，醉橫長有野雲隨。會看掛壁風雷起，莫待詩翁過葛陂。

虎枕

縛取南山白額兒，鼻如雷吼臥支頤。床頭夜嘯威長在，帳底風生醉不知。探穴持鬚應有夢，寢皮食肉未為奇。何如敵伏重華殿，聽徹簫韶九奏時。

螢燈

微熒閃閃拂晴波，幾度黃昏誤舞蛾。銀粟無烟棲碧

蘚，玉蟲留影綴青莎。秋空兩歇寒光墜，晚徑風閑冷燼多。欲喚紗囊車武子，為渠還賦短檠歌。

雁陣

渡江秋影又南征，折葦銜枚夜不驚。冷聚圓沙盤地軸，曉浮寒水落天衡。風馳截破湘烟澗，雲擁斜衝塞月明。洲渚網羅應有伏，橫空千里不留行。

鶴骨笛

滿竅芝香透骨濃，誰將仙蛻截星筒。從教庭下梅花落，似怨山中蕙帳空。三弄瑤林驚曉露，一聲華表泣秋風。絕勝塵作江邊土，好奏南飛步月宮。

謝宗甫
虎頂杯

骨醉於菟一掬春，掌中白額氣如雲。
南山月暈夢初醒，北海風生酒半醺。
暢飲自懷班定遠，酣歌誰酌顧參軍。
醉鄉亦有封侯地，笑縮金符便策勳。

鷺羽扇

立因言... 湖上... 鷺羽扇... 石... 夢醒誰憐拳足... 蓼花叢

鼠鬚筆

夜逐虛星上，月宮奮髯奪得管城公。
橐中不攬吟窓

夢指下先爭翰苑功，莫笑硯池濡醉墨。
絕勝倉廩飽陳紅，平生嚼盡詩書字，散作龍蛇落紙中。

龍涎香

瀛島蟠龍玉唾凝，輕氛飛繞博山青。
暖浮蛟窟潮聲怒，清徹驪宮蟄睡醒。
碧腦貯箱收海氣，紅薇滴露洗雲腥。
兩窻篝火濃薰被，夢駕蒼鱗上帝庭。

螳螂箬

蝶蛸枝上化薰風，飛掠詩翁短帽中。
鬢雪冷侵霜斧落，髮雲寒壓翠裳空。
為裁象齒形如在，試插蟬冠氣尚雄。
開卷尋行煩一指，不須當轍怒莊公。

謝宗可
虎頂杯
骨醉於菟一掬，春掌中白額氣如雲。南山月暈夢初醒，北海風生酒半醺。暢飲自懷班定遠，酣歌誰酌顧參軍。醉鄉亦有封侯地，笑縮金符便策勳。

鷺羽扇

立烟睡雨白蒙茸，盡付驅炎掌握中。暑退沙頭千點雪，涼生頂上幾絲風。曾聞異物陪修靜，莫染纖塵障庾公。揮動半襟詩夢醒，誰憐拳足蓼花叢。

鼠鬚筆

夜逐虛星上，月宮奮髯奪得管城公。囊中不攬吟窓

夢，指下先爭翰苑功。莫笑硯池濡醉墨，絕勝倉廩飽陳紅。平生嚼盡詩書字，散作龍蛇落紙中。

龍涎香

瀛島蟠龍玉唾凝，輕氛飛繞博山青。暖浮蛟窟潮聲怒，清徹驪宮蟄睡醒。碧腦貯箱收海氣，紅薇滴露洗雲腥。兩窻篝火濃薰被，夢駕蒼鱗上帝庭。

螳螂箬

蝶蛸枝上化薰風，飛掠詩翁短帽中。鬢雪冷侵霜斧落，髮雲寒壓翠裳空。為裁象齒形如在，試插蟬冠氣尚雄。開卷尋行煩一指，不須當轍怒莊公。

蟾蜍滴水

三足爬沙飲海歸，案頭飛墮曉風吹。
慣看毛穎臨池浴，不借姮娥入月騎。
蓄潤鑿開扉磊落，分消滴盡墨淋漓。
胸中一掬恩波在，自有龍蛇遶筆時。

螺殼酒杯

香醕浮螳入旋渦，半殼蒼瓊費琢磨。
應愧美人盤寶髻，且供豪客捲金波。
尊中綠照珠光潤，掌上春擎海氣多。
安得滄溟俱變酒，垂涎終日飲如何。

蘆花被

白似揚花煖似烘，纖塵難到黑甜中。
軟鋪香絮清無

比醉壓晴霜，夜不融一枕和愁眠。
落月五更飛夢逐，西風誰憐宿雁汀。
冷贏得相思舊恨空。

蓮葉舟

穩棹紅衣泛渺茫，風帆浪楫水雲鄉。
曉撐太華半峯月，晚載西湖十里香。
藕放雪絲應作纜，荷擎翠柄若為檣。
不須更捧金仙足，太乙真人夢正涼。

玉壺水

自似中乾滿不傾，是空是色凍無聲。
十分瑩潔瑕疵淨，一樣光輝表裏明。
雲母夜藏珠暈冷，水晶寒孕月光清。
美人睡起銷金帳，折得梅花插未成。

烏紗未解滌塵煩。一網清風兩鬢寒。篩影細分雲縷，
滑棋紋斜界雪絲乾。不須漁父燈前結，且向詩翁鏡
裏看。頭上任渠籠絡盡，有時怒髮亦衝冠。

胭脂

仙花和露搗芳塵。駐得宮娥不老春。香暈紅潮生玉
頰，煖融絳蠟點櫻唇。涓流漲膩人應遠，宮井啼斑恨
愈新。鏡倚綠窓嬌夢醒，素纖微蘸晚粧勻。

琉璃簾

澄光搖碎一庭秋。瑩碧玲瓏縹浪浮。淨練懸風晴未
落，明河接地曉難收。冰痕半捲銀鈎冷，綉帶低垂玉
縷柔。纖手怯寒輕，揭起不妨月影上南樓。

走馬燈

磁輪擁騎駕炎精。飛繞人間不夜城。風鬣追星低弄
影，霜蹄逐電去無聲。秦軍夜潰咸陽火，吳炬宵馳赤
壁兵。更憶雕鞍年少夢，章臺踏碎月華明。

泡燈

焰吐蘭膏映水晶。澄泓不動一漚輕。天星影落冰壺
夜，神汞光凝火齊明。碧暈浮春丹氣濕，紅雲泛煖玉
華清。遊魚不覺三更冷，飛入琉璃井底行。

雪燈

一炬燒寒照夜長，玉蟲飛入白紗囊。冰壺吞月涵秋影，海蚌懷珠吐夜光。六出自隨飛燼落，寸輝不受積陰藏。渾疑凍壑寒崖底，忽見東風轉太陽。

蓮燈

萬點芙蓉午夜芳，醉看疑是水雲鄉。蘭缸照破西湖夢，火樹燒殘太液香。焰煖應愁擎夜雨，燼寒不為倒秋霜。元宵庭院東風曉，零落紅衣遶畫梁。

水燈

波明焰煖晚風間，泡影飛來鏡裏看。萬點芙蓉開碧

沼，一天星斗落冰盤。珠浮赤水光猶濕，火浴丹池夜未乾。照破魚龍波底夢，幽宮不怕五更寒。

書燈

吾伊聲裏漏初長，願借丹心吐寸光。萬古分明看簡冊，一生照耀付文章。芸編清逼蘭膏煖，花燼時粘竹汗香。明日金蓮供草制，幾人風露在秋堂。

燈花

誰分春色上銀臺，小草梢頭吐燼煤。丹萼擎烟深夜結，朱蕤噴火背陽開。吟窓對酒分詩罷，旅館敲棋待客來。願得東君膏澤滿，芳心一點不成灰。

餅筵

爐頭莫為熱中鳴，且作松風入耳清。火候抽添成別調，湯痕深淺變秋聲。誰知冷煖情難盡，自恨炎涼訴不平。何用絳唇吹玉管，纖簧低咽夜三更。

鐵硯

不用端溪割紫雲，鑄來壯士鐵心存。一方自出爐錘巧，百鍊原無斧鑿痕。金烝冷涵池水潤，土花腥蝕墨烟昏。堅剛千古難磨了，誰為扶桑賦曉暎。

漁蓑

翠結香波付釣舟，一竿風雨不須愁。苔磯夜泊披寒

去，蓑舛昏歸帶濕收。月冷籠衣眠舵尾，天晴隨網曬船頭。羊裘莫笑狂奴錯也，著烟波萬頃秋。

釣絲

臨流纖影衆鱗驚，消得長縷一縷輕。鈎墜亂縈春水碧，竿垂斜裊晚風清。牽回江上煙波夢，掣斷人間富貴情。我欲笑携千尺去，桃花浪裏拔鯢鯨。

雪珠

萬斛明璣滿地圓，瑤龍吞蚌入雲邊。淚含曉雨光猶濕，聲碎天風孔未穿。寒綴松腰聯玉珮，冷攢梅臉結花鈿。阿藤撒盡難收拾，為買豐年不用錢。

霜花

粲粲瑤英借露浮，日高還付水東流。剪裁應費金神巧，開落從教玉女愁。有艷淡粧宮瓦曉，無香寒壓板橋秋。五更不怕樓頭角吹到，梅花特地稠。

柳眼

媚煥窺春淺，碧浮欲開還。閉半顰羞露，垂烟縷秋波溜。兩歇風條曉，淚收上苑困。酣興廢，夢灞橋，看盡古今愁。五株彭澤回青否，應是生花雪滿頭。

荷錢

青蚨飛遠半池蓮，化作波心萬點圓。白水真人應愛

寶上清童子解留錢，買空太液繁華夢。占斷西湖富貴天，一把藕絲穿不起。五銖衣冷碧波烟。

紙鳶

孤鶩穩駕剡谿雲，多少兒童仰羨頻。半紙飛騰元在己，一絲高下豈隨人。聲馳空碧東風曉，影度遙天化日春。誰道致身無羽翼，廻看高舉絕紅塵。

雪獅

幻出狻猊雪一團，玉光如焰起毫端。稜稜冰霰藏鋒銳，颯颯風霜滿肺肝。氣逼熊羆應股栗，威臨犀象亦心寒。從人錯認鹽形虎，莫向朝陽仰鼻看。

蟠梅

紫青絆碧裂蒼苔，歲晏寒香宛轉來。
蛟螭凍雲冰骨瘦，龍眠夜月玉鱗開。
風霜氣勢從千折，鐵石心腸亦九迴。
祇為東君甘自屈，不教枉占百花魁。

挂蘭

江浦烟叢困草萊，靈根從此謝栽培。
移將楚畹千年恨，付與東君一縷開。
湘女久無塵土夢，靈均元是棟梁材。
午窓試讀離騷罷，却怪幽香天上來。

花霧

倦紫酣紅總未醒，暗薰芳淚滴無聲。
羅幃隱繡迷春

色綺縠籠香護曉晴，薄暝枝頭留睡蝶。
輕陰樹底咽啼鶯，東風捲到闌干曲。
半濕游絲舞不成。

茶煙

玉川爐畔影沉沉，淡碧縈空杳隔林。
蚓竅聲微松火暗，鳳團香煖竹窓陰。
詩成禪榻風初起，夢破僧房雪未深。
老鶴歸遲無俗侶，白雲一縷在遙岑。

硯冰

裂地層陰透馬肝，墨花含凍鏤毫端。
一泓曉色玄霜重，半夜天風墨水乾。
沼面煙凝星影暗，潭心雲翳玉光寒。
便將呵作清冷雨，筆掃人間酷暑殘。

游絲

搖曳春光百尺輕烟銷舞斷任縱橫暗縈芳恨應無力亂綰春愁似有情一縷綠楊風正軟半痕紅杏雨初晴莫教飛到天機上恐誤龍梭織不成

海蜃

層濤擁沫綴蝦行水母含秋孕地靈海氣凍凝紅玉脆天風寒結紫雲腥霞衣袒色冰涎滑瑤縷烹香酒力醒應是楚江萍實老誤隨潮信落滄溟

江湖

靈胥怒闢島門開十萬神兵戰鼓回龍決黃河銀浪

湧鰲翻坤軸玉山推半江飛雪橫空起千里奔雷撼地來欲駕雲帆滄海去秋風八月上蓬萊

綠陰

萬樹東風湧翠瀾遮藏芳恨料應難入簾蒼靄暮春晚滿地碧雲清晝寒柳暗池臺煙乍濕槐深門巷雨初乾階前花落無人到又染苔痕上石欄

紅樹

楓塢梨園醉曉霜纈衣零落舞金商半山留日樹無影一徑有風花不香蕭寺烟晴秋易老御溝水急恨空長詩人自愛停車晚還記清陰六月涼

醉鄉

曾笑三閭不解遊，移家欲向魏城頭。
人酣方外鴻荒夢，誰識塵中富貴愁。
夜月放船浮酒海，春風扶杖上糟丘。
相逢還似無何有，喚起東臯為贈侯。

塵

人海深藏混混中，非烟非霧遠空濛。
六街綺繡迷香紫，九陌笙歌踏軟紅。
微步緩隨羅襪起，清歌飛遠畫梁空。
南來一騎蛾眉笑，又送長安荔入宮。

仙槎

曾作河源萬里舟，塵根已斷臥蛟虯。
無心下土承煙

兩有路層霄犯斗牛，破浪遠衝銀漢曉。
凌風徑渡碧天秋，歸來帶得支機石，誰識人間博望侯。

天燈

龍逐炎精下紫宮，夜深不肯落雲中。
光分霄漢三更黑，影亂星辰萬點紅。
玉柱倚天擎火齊，金繩繫日挂瑤空。
照開仙闕朝元路，絳節霓旌穩駕風。

醒酒石

子孫猶自問監軍，醒籍千年迹已陳。
蒼骨冷侵酣枕夢，苔痕清逼醉鄉春。
西風別墅啼山鬼，落日朱崖泣海神。
牛李相傾果何得，太湖甲乙更誰人。

無弦琴

獨繭長縲底用抽，蛇紋空鑲鳳枝。秋落星留暈，繩光
斷凍瀑無聲。練影收，別鶴那聞風外泣。孤鷺不向月
中愁，多情只有柴桑老。寂寂山高，水自流。

橘杯

薺穰初碎，擘輕甌一飲何須。太白浮瓊液，曉凝滄水，
霧金波夜浸。洞庭秋寒香噴，手醒初解，霜氣浮尊。暖
未收，醪酌敲棋呼二叟，夢中同作醉鄉遊。

梅杖

紫玉槎牙，蝕蘚痕黃昏扶。醉倍精神一枝冷，曳孤山

雪七尺橫拖，庾嶺春江路策。雲香在手，谿橋挑月影
隨人歸來却笑，林和靖還。現堂中上坐身。

松釀酒

大夫何事亦鋪糟，自恨爭名燭火勞。春色未香浮螿
綠，兩聲先沸老龍膏。不須琥珀供靈藥，且作珍珠滴
小槽。傲却歲寒消一醉，涼州空自換葡萄。

雪煎茶

夜掃寒英，煮綠塵松風入鼎。更清新月團影，落銀河
水雲脚香融。玉樹春陸井有泉，應近俗陶家無酒未。
為貪詩脾奪盡，豐年瑞分付蓬萊頂上人。

煮茶聲

龍芽香煖火初紅，曲几蒲團聽未終。
瑞雪浮江喧玉浪，白雲迷洞響松聲。
蠅飛蚓竅詩懷醒，車繞羊腸醉夢空。
扣訴蒼生辛苦事，蓬萊好問玉川翁。

賣花聲

春光叫遍費千金，紫韻紅腔細細尋。
幾處又驚遊冶夢，誰家不動惜芳心。
響穿紅霧接臺曉，清逐香風巷陌深。
粧鏡美人聽未了，繡簾低揭畫簷陰。

松枝火

薜骨誰教劫火侵，欲將春意破窮陰。
鱗鬣光動紅雲

起膏液香融紫霧深，餘燼尚留霜後節。
死灰難滅歲寒心，有時焰氣隨風轉。
猶是蒼龍澗底吟。

藕花風

舞落紅衣起未休，水雲鄉裏正飈飈。
五更清逼銀塘路，六月涼生玉井秋。
颭浪低翻霞影亂，凌波輕弄錦香浮。
莫教吹醒鴛鴦夢，好送真人一葉舟。

絮花萍

點綴離人恨已多，水流雲散為消磨。
半篙晴浪星無數，兩岸東風雪幾何。
脫白定知沾化雨，取青應是謝恩波。
滿池為護蒼天影，休逐春歸繞汴河。

松化石

苔根蘚幹勢峻增不向山中變茯苓傲雪心頑龍蛻
骨嘯風敲斷虎留形持堅節操磨今古肯獻瑰奇列
丙丁底用區區梁棟具直須鍊補老天青

月中桂花

金粟如來幻化身嫦娥留得護冰輪枝橫大地山河
影根老層霄雨露春長有花香飛碧落不教仙子種
紅塵折來何必吳剛斧還我凌雲第一人

水中梅影

澄澄寒碧印冰條雲母屏開見阿嬌春色一枝流不

去雪痕千點浸難消臨風倚檻雲鬢濕帶月凌波玉
佩搖最是黃昏堪畫屢橫斜清淺傍溪橋

水中雲

絮團冷蘸碧琉璃舒卷還如濕未晞蒼狗倒隨天影
落玉鸞低入鏡光飛濃遮晚浪搖秋月淡隔晴漪漾
夕暉莫怪巫山臺下雨凌波好向夢中歸

水中月

晴波浸月月波浮玉兔涼生萬頃流丹桂影沉江浦
夜白蓮光浴海天秋斂人泣罷珠還濕龍女妝殘鏡
未收應是廣寒眠不得水晶宮裏夜深遊

白蓮

三千宮額翠雲房，洗褪鉛華淺淡粧。
仙掌月明應自怨，東林夢遠為誰芳。
波澄夜靜花無影，露冷風清玉有香。
舞罷霓裳誰得似，六郎清瘦比何郎。

紅菊

錦爛重陽節到時，繁華夢裏傲霜枝。
晚香帶冷疑丹粒，秋色封寒點絳蕤。
淡映殘虹迷老圃，濃拖斜照落東籬。
靈砂換却淵明骨，倦倚西風不自知。

藕絲

絆玉纏香吐未齊，蓮房縹出蛹初肥。
纖毫何補寸心

苦幾縷空紫，七竅飛園客。可能抽翠繭，靈均難為製。
荷衣年年五月無人買，欲織鮫綃不上機。

蓴線

鮫人繡滿水仙裳，地軸天機不敢藏。
冰殼冷纏青縷滑，翠鈿清綴玉絲香。
江河有味牽情久，京洛思歸引興長。
欲剪吳淞縫不得，謾拖秋思繞詩腸。

同根竹

競秀冰霜一種奇，駢頭曾脫錦綳兒。
西山二子情依舊，湘浦雙娥影鎮隨。
高節元非連理樹，虛心共是歲寒枝。
莫教移作仙人杖，恐化雌雄下葛陂。

並蒂蘭

碧蕊連芳並，萼擎春風江浦對。含情不妨燕姑重，占
夢應愧湘纍獨解清。霜節百年期共老，國香一點為
誰爭。詩人莫比，馮渠怨幸，有離騷日月明。

紅梅

梨雲無夢倚黃昏，薄倩朱鉛蝕淚痕。宿酒破寒薰玉
骨，仙丹偷煖返冰魂。苦裙影露羅衣捲，霞珮香封縞
袂溫。回首孤山斜照外，尋春誤入杏花村。

苔梅

一夜蟠龍裂翠鱗，土花深護玉精神。蒼苔含滿樹黃昏，

月碧老孤根太古，春姑射香薰荷製好。逋仙青入草
衣新，料應不為天風冷自恐。冰肌受點塵。

雪月梅

苔枝擎重半朦朧，漠漠梨雲夢不同。香護姮娥眠玉
鑑，影隨姑射下瑤宮。冰蟾光透南枝夜，翠羽聲淒古
樹風。天上人間渾一色，幾分春意有無中。

綠萼梅

萼綠仙人下玉堂，清魂夜化雪芬芳。荷衣薄襯霓裳
冷，蘭珮濃薰縞袂香。曉額浮酥凝淺黛，春容點翠照
新粧。多因誤入羅浮夢，愁絕黃昏鬢已蒼。

梅魂

枝南枝北路迢遙飛入孤山夜寂寥水月浮香應自
返谿風弄影為誰招縞衣夢裡和愁斷玉簫聲中逐
恨消似欠靈均歌楚些連仙墳冷草蕭蕭

梅夢

芳魂和睡倚南枝羞比梨花蝶未知暖入羅浮春困
早香迷姑射曉星遲不愁夜月清衣濕應怕江天盡
角吹一點調羹心事在宵衣枕上覺多時

松梅

挺秀凝香一樣清何妨同結歲寒盟風霜正共孤高

枕雪月相看太古情翠袖不禁冰骨冷蒼顏還照玉
肌明孤根雅操千年節未許繁華老此生

月下梅

月到梅花分外明暗香孤影鬪雙清吟隨野鶴依瓊
樹臥聽飛鸞載玉笙酒醉不知霜滿屋書聲常共漏
三更此中意味無人識謾說仙家白玉京

挑梅

去年人面映紗窗今日酸心傍石缸白雪紅霞俱第
一暖蜂寒蝶不成雙神臣歲晚希調鼎姑射年深擬
渡江獨立黃昏人似玉劉郎重見亦心降

問梅

尋春踏雪過西湖，試叩風前玉一株。
香影為誰甘寂寞，精神何獨占清癯。
鐘殘角斷愁多少，月落參橫夢有無。
吟遠南枝，渾不應好將心事喚林逋。

挑梅

折取孤山玉雪花，杖藜高挂踏烟霞。
負他白鶴看仙塚，帶爾青蛟到酒家。
有脚陽春詞可證，無言姑射貌堪誇。
相携相伴歸時晚，添箇隨人月一牙。

龍形松

天矯擎雲海上來，蜿蜒蛻骨老莓苔。
紫髯夜濕千山

兩鐵甲春生萬壑，雷影動欲翻千陸。
起聲虬如拱怒潮，回蜷枝冷挂巖前。
月猶是擎珠照九垓。

鴛鴦梅

兩兩魁春簇錦機，文衾夢覺月分輝。
枝頭交頸棲香暖，花底同心結子肥。
金殿鏤烟粧粉額，玉堂環水浴紅衣。
有情一種隨流去，莫被風飄各自飛。

鴛鴦菊

秋入金塘脫錦裳，芳心並倚紫紗囊。
韓憑枕上情難了，陶令門前夢更长。
深院霜清宮瓦冷，東籬月落繡衾涼。
誰知連理枝頭恨，還有西風晚節香。

半日間

閒處光陰未有涯，偶然一餉到山家。坐看雲起畫亭
午，靜聽泉流日未斜。槐影正圓初破睡，竹陰微轉嚴
分茶也。勝忙裏風波，客十二時中老鬢華。

曉色

遠似烟霏近又空，非明非夜兩朦朧。一天清露洗難
退，幾抹曙雲遮不窮。斷角樓臺濃淡裏，殘燈院落有
無中。蒼茫半逐雞聲散，又被朝陽染作紅。

水紋

新綠粼粼漾淺漪，織成春色上苔衣。一池碧暈雨初

落千疊翠鱗，風更微。淨敲光搖湘女鏡，輕羅影動水
仙機。何如袖取并刀去，快剪吳淞半幅歸。

竹夫人

胸次玲瓏粉黛羞，宵征何必抱衾裯。應無雲雨三更
夢，自有冰霜六月秋。畫節每曾陳諷刺，虛心那解老
溫柔。專房不怕蛾眉妬，只恐西風動別愁。

白雁

翅老西風絕點瑕，秋江難認宿蘆花。雲邊字缺銀鈎
斷，月下箏聲玉柱斜。影亂飛鷗回遠浦，陣迷宿鷺落
平沙。聲聲叫起蘇郎恨，為帶吳霜染鬢華。

沙書

玄沙一握舞蛟蚪草聖何須墨染頭烏過篆文歸鐵
畫蠅行清響落銀鈎竹間日射文星粲紙上風驚字
迹收大手莫將成末藝論功寧媿管城侯

塔燈

挾地燒空寶炬長燭龍挂影照穹蒼七層火樹雲生
煖九曲神珠夜吐光霞點彤旌歸淨界星隨絳節下
西方如來應到天壇上萬斛金蓮繞步香

雙陸

彩霞清響押盤飛曾記唐官為賜緋影入空梁殘月

在聲隨征馬落星稀重門揀險應輸擲數點爭雄莫
露機惟恨懷英誇敵手御前奪取翠裘歸

浴室

香泉湧出半池温難洗人間萬古塵泥池殼中天不
曉淋漓氣底夜長春波濤鼓怒喧風雨雲霧垂陰護
鬼神却笑相逢裸形國不知誰是浴沂人

聖宗吉詠物目錄

採蓮舟	織錦機	茶鑑	香桌	花餅	燈杖	持衣石	慰衣斗	種菊鉏	摺疊
扇	紙團扇	菊花枕	席皮褥	魚牙梳	鮫綃帕	鰕鬚簾	螺杯	橙杯	碧筒
水魚	擔馬	剪刀	錢篋	筆柱	琵琶絢	散子	綠香	柳瓢	鞦韆
雞	燈	烟	火戲	影戲	煮茶聲	屠	酒	蔭蒲酒	蓮花白
甲	碧	甸	指環	錫	婆	歷	被	孩	兒
兜	白鹿	白鷹	白燕	孤	丁	喜	鸛	關	雞
紅	蜻	蝶	黃	蝶	鬼	蝴蝶	蜂	房	蛛
暗	梅	綠	梅	白	山	茶	黃	葵	胭脂
桃	花	白	楊	梅	紅	瓢	紅	藕	捲
茶	烟	竹	竹	竹	竹	竹	竹	竹	竹

歸藏書

序

詠物者詩家之一體也然不徒以模寫形色為工而實以比類託興是尚若昔李義山之詠錦瑟鄭谷之詠鷓鴣謝學士之詠胡蝶馮海粟之詠梅花世皆膾炙其句近時擅詠物之名于吟壇者則有金陵謝宗可予嘗讀其詩矣蓋工於模寫而有得於比興之旨者焉其多至於百數十首每欲效之有所未遑錢唐瞿先生宗吉問學該博識趣超邁而肆力於詩文當其少時酷愛宗可所作因別立新題亦賦百首冀在與宗可托衡以攀李鄭謝馮之逸駕也一篇纔出

聖宗吉

人已傳誦厥後先生舉明經為訓導歷仁和臨安宜陽三學入為國子助教出佐河南藩府居間保安太師英國公延教家塾所著述者不以一日夷險有廢而其雄篇鉅什閱世教而翊綱常者蓋炳炳焉詠物之稿以其早出而傳久也莫能全備且多舛誤先生晚就歸田輒自正其舛而補其缺百篇復全先終壽考其子四人皆克繼美今所存者惟德高以校官致仕居于杭曰德啓德恭德宜德潤者先生之弟宗尹子也富而好禮宗尹嘗欲壽先生詩文于梓不果今德啓兄弟篤承父志先以詠物百篇鏤板行世他將

次第以成之德啓請言為叙惟先生之詩所長不專在於一體觀其少作已能若此得非世之所謂奇才也歟德啓兄弟克板行之不特先志是承誠足使先生之奇才得見之于永世焉是皆為可書也正統九年甲子夏四月望日賜進士翰林院修撰儒林郎姑蘇張益書

少日見謝宗可詠物詩愛之因效其體亦擬百篇其
已詠者不重出也大抵詠物之作拘於題則固執不
通有粘皮帶骨之陋遠于題則空疎不切有捕風繫
影之失故自昔名家鮮有此作被謫以來原稟久已
失去留滯山後追憶舊章得其全者四十首書附吟
藁以備遺忘且以應答士友之知而求索者及回南
京又于鄉友董以識處得其所傳三十首今至淞江
居閑事簡復續三十首以足百篇之數才疎語拙不
可追配前人藏之家塾以資吟覽庶不忘少日之勤
苦用心爾倘有見者幸勿以前所言二病為誚也昔

少日見謝宗可詠物詩愛之因效其體亦擬百篇其
已詠者不重出也大抵詠物之作拘於題則固執不
通有粘皮帶骨之陋遠于題則空疎不切有捕風繫
影之失故自昔名家鮮有此作被謫以來原稟久已
失去留滯山後追憶舊章得其全者四十首書附吟
藁以備遺忘且以應答士友之知而求索者及回南
京又于鄉友董以識處得其所傳三十首今至淞江
居閑事簡復續三十首以足百篇之數才疎語拙不
可追配前人藏之家塾以資吟覽庶不忘少日之勤
苦用心爾倘有見者幸勿以前所言二病為誚也昔

茶鐺
有耳原非鼎，龍材只宜烹茗待賓來。煖分道室金丹，火冷撥山房鐵筋。灰車轉羊腸，聲漸急香浮雀舌。夢初回，苦教移對舒丹杓，又屬詩人舉酒杯。

香桌

雕檀斲梓樣新奇，霧閣雲窓任轉移。金獸小身平立處，玉人纖手並搵時。輕烟每向穿花見，細語多因拜月知。有約不來閑凭久，麝煤煨盡獨敲棋。

花餅

香泉一勺淨無塵，小器翻成席上珍。密把英華齊藉

口虛將心腹，暗藏春送行不是沙頭玉引恨。元非井底銀貪揀，俏枝停久立閨中偏稱曉粧人。

燈杖

樣比金篋製造精，蘭膏燒盡剔紅英。指揮銘水蛾難近，鎮壓銀缸鼠不驚。只戀筒編依淨几，不貪珠翠上長檠。主人若去登天祿，擬效青藜照眼明。

擣衣石

一方滑淨絕苔錢，才屬秋閨響便傳。長夜未央風陣急，美人相對月華圓。高於鳳闕黃金礎，厚勝花階綠玉磚。幾度晚涼眠不得，丁東聲到客愁邊。

烈衣斗

有柄何曾挹，酒漿隨時用。捨屬閨房，斡旋天上陽和。
氣平貼人間，錦繡香翠袖。捲紗移玉腕，金篝分火近。
牙床衣成遠，寄征夫去。印額何時，肘後黃

種菊鉏

三徑開成，草自青，靈苗分植滿。閒庭春泥微澆，金鴉
背夜雨新抽。翠鳳翎谷口，長鏡貧杜甫原頭。短鍾醉
劉伶筭來，不抵淵明好。日日籬邊嗅晚馨。

摺疊扇

開闔清風，紙半張隨機舒卷。豈尋常金環並束龍腰

細玉柵齊編，鳳翅長偏稱。遊人携袖裏，不勞侍女執。
花傍官羅舊賜休，相妬還汝團圓共夜涼。

紙團扇

齊紈魯縞漫紛紜，曾似溪藤獨建勳。玉斧修成天上
月，金刀剪落洞中雲。三都價貴供詞賦，一枕風清卻
垢氛。作字題詩總相稱，練裙何必戲羊欣。

菊花枕

不共茱萸入酒甌，相親似欲老溫柔。愁吟長伴風霜
夜，醉臥不知天地秋。蝴蝶有香來夢裏，黃金無價滿
林頭。並歌莫愛鴛鴦穩，贏得相思事可憂。

虎皮褥

南山遺害已駢除，裁就文衲任捲舒。不製征鞍隨將士，却登講席奉師儒。夜無惡夢來燈下，晝有威風起坐隅。每向高堂鋪設處，能令馮婦亦回車。

象牙梳

不與豪門製寶牀，晨昏用舍屬蘭房。一鈎獨現雲鬟側，八字平分翠鬢傍。溪女莫誇銀櫛貴，官嬪空愛玉釵長。從教坐上無油木，勸酒行看出艷粧。

亦較綃帕怕，蘇詩：蘇州刺史老，不與豪門製寶牀。

繭結扶桑出海濱，遠隨機杼倩鮫人。不裁洛浦凌波

襪，能代湘川拭淚巾。紫麝薰香收汗潤，彩毫傳恨寄情真。吳綾輕薄番羅俗，出袖宜同掌上珍。

蝦鬚簾

曾向長鬚國裏遊，鮫人貿易特相留。價高珠琲三千斛，名重神仙十二樓。海色侵人褰翠幕，龍光射屋捲金鈎。相知賴有騎鯨客，滿酌螺杯當賞籌。

螺杯

海山珍器琢磨成，未伴犧樽與兕觥。花底最宜邀皓月，席間偏稱吸長鯨。琉璃琥珀非同品，鸚鵡鷓鴣有異名。縱飲不須嫌量窄，請看測海向蓬瀛。

橙杯

平分半殼洞庭秋，香霧霏霏勝玉甌。
左手持鰲增蘊藉，東籬賞菊賸風流。
胸吞雲夢言非誑，曲奏吳鹽味頗投。
寄語黃甘并陸吉，較勳輸我醉鄉侯。

碧筒杯

傾銀注玉，厭華筵，分得青雲向水邊。
手障百川同赴海，身扶一柱獨擎天。
金莖靈液絲絲露，石眼空青滴滴泉。
飲後不須愁酒渴，花間自有藕如船。

鸚鵡杯

天生珍具作杯觴，鯨吸龍添飲興長。
李白真堪托生

死，補衛何必擅文章。
江風海雨增豪氣，隴樹巴雲接醉鄉。
若使能言便多事，舞裙歌扇費評量。

鶴骨筵

不將禮幣奠玄黃，身後宮商要品量。
玉管裁成班竹樣，星筒噴出紫芝香。
魂飛赤壁曾留夢，聲徹瑤臺已斷腸。
一曲仙音誰和得，龍吟碧海鳳鳴陽。

羊毫筆

毛穎年深老不能，中書模畫嘆難勝。
管城忽現大元放，草澤不容嚴子陵。
壁上榴皮功可述，門前竹葉事無憑。
剛柔何必吹毛問，耐久真堪作友朋。

水晶筆架

三峯近列硯池頭光照文房爛不收水壺夜寒龍獨
臥雪山春暖兔羣遊彩毫倚閣功應就銀管依棲價
未酬別有珊瑚新琢樣策勲畢竟是誰優

水滴牛

不飲人間洗耳餘案頭毛穎可同居一泓黑水犀潛
海萬斛文源角挂書消滴可甦嘗道喘辛勤曾見帶
經鋤火攻莫試田單策傾瀉那知腹易虛

硯池

活水源頭一脈清文林藝圃藉滋榮旗搖彩影龍蛇

動筆奪玄機風雨驚螢火不愁乾欲死蠹魚今喜放
長生遙思紫玉潭中事靈怪紛紛鬧幾更

熬山

燈火元宵擁翠微飛來海上是耶非樓臺夜識金銀
氣嶺岫春回日月輝龍伯國人垂釣去水官仙子步
塵歸女媧立極多勞苦不似東風錦繡圍

藥鼎

白雪紅鉛自有花何須勾漏問丹砂香烟滿屋結蒼
霧丹氣穿林生紫霞修煉欲通三島路烹調不入五
侯家彌明豈識君臣品惟把龍頭豕腹誇

量酌香塵盡，左旋曾煩巧匠為。彫鑄螢穿古篆盤，紅
燄鳳遶回文吐。碧烟盡內，僅容方寸地。數中元有範
圍，天老來無復封侯。念日日移，當繡佛前。

木魚

長廊懸掛發鯨音，鱗甲光芒欲倍尋。跳躍幸離生死
海，空虛已斷去來心。聞黎課密鐘常早，長者恩多水
共深。龍象有靈能拱護，不隨波浪去浮沈。

擔馬

鍊鐵能成八駿形，渾身堅甲四蹄輕。向空騰踏風塵

動逐隊，回旋劍戟鳴。粧閣香消，驚曉夢，畫堂月轉，起
秋聲。玉関路阻，金河遠，牽付將軍致太平。

剪刀

巧製工夫百鍊鋼，特來閨閣共行藏。雙環對展魚腸
快，兩股齊開燕尾張。鍼線有功憑製造，綺羅無價任
裁量。隨機鏤出新花樣，在佳人玉指旁。

錢篋

器小纔堪貯百千，也勝撲滿費陶甄。書生紙裹真堪
笑，鄰女香囊亦可憐。野步不須鞵上繫，市沽何用杖
頭懸。畫又更有黃州竹，取用隨時合自然。

箏柱

新琢珊瑚小，更堅為誰撐拄。十三弦斜排陣勢，移銀甲促哀歌聲鬧。綺筵馬繫遊韉，行不定雁銜征信，去相連曲終，莫遣成孤令收貯。香囊若箇邊。

琵琶弦

筋拔鴟雞響，便調檀槽鐵撥。可論文人逢湓浦，揮紅袖曲按梁州哀六么。布施空教繫裙帶，相思安得續。鴛膠可憐嚴武無情甚，忍使芳花半夜凋。

骰子

擲蒲局裏任提撕，圓轉隨時效滑稽。力士賜緋心獨

喜媚孃雙陸夢多迷，深藏玉手拈羅帕。輕打牙盤刻樹雞，却憶咸陽客舍裏呼盧。喝雉燭花低。

線香

搗麝篩檀入，範模潤分。薇露合雞蘇，一絲吐出青烟細。半炷燒成玉筋，龜道士每占經次第。佳人惟驗綉工夫，軒窓几席隨宜用。不待高擎鵲尾爐。

椰瓢

珍果南來出瘴鄉，汪汪滿腹貯瓊漿。鑿開混沌通天竅，製作團欒薦酒觴。隱者亦曾懸樹杪，詩人何必棄溪傍。一簞飲食知同味，却笑匏瓜只繫將。

鞦韆燈

弓樣新裁瘦不禁，分明一掬照花陰。
凌波未識鸞鸞，玉踏月還生步步，金紅蕾先開。
傳密意，赤繩雙繫結同心。
少年前度相看處，惟恨秋千別院深。

鴛鴦燈

比翼難忘繾綣，恩一雙乘夜泊。
朱門焚膏照破香衾，夢剪紙招來怨塚。
魂火樹銀花相掩映，羅幃繡幙共温存。
舊遊莫說乾明寺，紅袖春宵浥淚痕。

鬪雞燈

怒挾爭機，下絳臺月明照見影。
毬彩鸞舞鏡腸應

斷丹鳳迎陽尾乍開，五德有名終氣合。
兩雄相厄，未心灰孟韓聯句誰能續。
燒盡東風畫燭煤。

煙火戲

天花無數月中開，五色祥雲繞絳臺。
墮地忽驚星彩散，飛空頻作兩聲來。
怒撞玉斗翻晴雪，勇踏金輪起疾雷。
更漏已深人漸散，鬧竿挑得綵燈回。

影戲

燈火光中夜漏遲，風輪旋轉競奔馳。
過來有迹人爭覩，散去無聲鬼不知。
月地花階頻出沒，雲窓霧閣暫追隨。
一場變幻如春夢，線索重看傀儡嬉。

煮茶聲

新泉活火試旗槍，入耳俄聞抑又揚。
花落客亭春夢短，雲飄僧舍夜更長。
細如澗水穿冰壑，清似松風振草堂。
黃九窮來詩更好，解言車轂遶羊腸。

屠蘇酒

紫府仙人授寶方，新正先許少年嘗。
八神奉命調金鼎，一氣回春滿絳囊。
靈液夜流千尺井，春風曉入九霞觴。
便將鳳曆從頭數，日日持盃訪醉鄉。

菖蒲酒

採得靈根傍藕塘，祇因佳節屆端陽。
金刀細切傳纖

手玉擘輕浮，送異香。厨薦鱠魚冰，作繪盤供，角黍蔗為漿。時同節物充筵會，縱飲何妨。入醉鄉。

蓮花白酒

厭飲葡萄酌紫霞，喜傳釀法自仙家。也知東老偏憐客，故遣西施賸採花。
玉井汲泉浮曉甕，金盤承露浥天葩。從今渴飲無冬夏，學士休誇雪水茶。

花籃髻

春色何曾間四時，一筐攢簇上青絲。
同心對縮團圓結，連理平分左右枝。
低映挑花紅處，臉斜侵柳葉翠邊。
眉關竿不許閒人得，只有釵梁雙燕知。

紅指甲
金盤和露搗仙葩，解使纖纖玉有瑕。一點愁凝鸚鵡喙，十分春上牡丹芽。嬌彈粉淚拋紅豆，戲指花枝鏤絳霞。女伴相逢頻借問，幾回錯認守宮砂。

碧甸指環

一點萍星落指尖，分明界破玉纖纖。眼看翠靨侵銀甲，手弄花鈿出鏡奩。懷寶自知承寵厚，賜環誰妒受恩兼。鳳仙更索柔荑染，紅綠爭春色倍添。

錫婆

困倚蒲團罷煮湯，一團和氣有商量。生來不作閒雲

雨，老去偏多熱肺腸。金母有心同壽域，竹奴無意妬專房。布衾紙帳風霜夜，始信溫柔別有鄉。

壓被孩兒

翠屏繡褥兩相親，占斷鴛鴦富貴春。有分長眠紅錦帳，無心閑惱白頭人。不求阿母金訶乳，肯踏群兒竹馬塵。引得煞羅來吉夢，却因弄假偶成真。

雪獅

天宮夜降玉麒麟，勢壓金猊席上珍。百獸稱王光照夜，六花被體氣回春。袞毳仙苑追前迹，鐫石侯門現後身。要使威風長鎮宅，煉形更鑄寶坊銀。

桃花馬

汗血龍駒自有神，雪毛霞暈兩相勻。
帶將阿母池頭景，散作玄都觀裏春。
鴻鵠追傳千里信，螭蜂飛逐四蹄塵。
驪黃赭白何須數，獨據仙源立要津。

金絲犬

擺尾搖頭慶所遭，愛同獅子銜金毛。
花前喜共狸奴戲，月下難隨狗黨嗥。
易卦已曾稱小畜，書篇底用託靈爻。
主翁要使防門戶，免逐鶻盧較獵勞。

玳瑁貓

皮毛斑駁爪牙堅，食有鮮鱗臥有氈。
海客徒能知黑

暗舟人自愛，畜烏圓磨簪製帶，非同品捕鼠銜蟬是。
獨權却笑老狸誇，玉面竟連鼎鑊薦盤筵。

白兔

白玉狡狴脫鼻羈，遠隨重譯到皇畿。
仙山昔慣餐霞草，月殿今看舞羽衣。
塵褐已將狐換腋，霜毫欲與雪爭輝。
蒼鷹黃犬休回顧，技宅西來得所依。

黑兔

脫穎來從洗墨池，中書喜得近龍墀。
日中好與陽烏對，月殿那教獵犬知。
自守一玄甘寂寞，不營三穴費支持。
管城若要加封號，弊却緇衣又改為。

白鹿

角端字刻表銅牌知向空春勝地來仙子倒騎歸聞
苑聖君馴養在靈臺長生自得千年壽間色誰將二
女猜待省吻吻食萍後吹笙鼓瑟慶筵開

白鷹

皂雕赤鷲漫紛紜毛翮安能脫垢氛海外飛來如片
雪天遠颺去似孤雲素鷺安尾求為伴皓鵠昂頭欲
趁群玉爪金眸期一縱要看得雋策奇勳

白燕

脫却烏衣絕點瑕銀屏珠箔舊生涯玉京老去粧初

改王榭歸來鬢已華避雨有時沾柳絮夢雲何處認
梨花飛瓊不向瑤臺去却入尋常百姓家

孤雁

失伴離群不憚勞此心終不在蓬蒿百年海內皆兄
弟萬里雲間一羽毛夜日相隨形影在秋風獨立性
情高鷗行鷺序休相笑朋黨何須似爾曹

喜鵲

簷前啾啾噪無休多為深閨卜速遊吉語偏能報歸
客舊巢多是借鳴鳩萬年枝上迎風露五色雲中度
女牛若使有靈能化印幾人談笑覓封侯

鬪雞

五德名稱不自持，怒憑爪觜決雄雌。三郎好勝真英主，亞子爭強豈小兒。兩陣猛如劉項敵，一場喜入孟韓詩。紅羅纏項收功後，贏得旁觀舉酒卮。

烏骨雞

白毛烏骨獨超群，氣質雖殊五德存。行處每隨金孔雀，生前應是墨崑崙。女冠勇赴三軍敵，黑距雄誇兩足尊。聞道醫家修妙藥，擬同參朮策奇勳。

雞雛

穀分混沌見精神，鳳侶鸞儔暫化身。傍母浴沙花徑

午隨群啄粟，草堂春饒貓屋後。垂涎久飢鷄，天邊側目頻。羽翼漸成，文彩備不陪。談論亦司晨。

僧房鶴

縞袂玄裳骨已仙，聽經來過法堂前。夜翻松頂沾衣露，晝避爐頭煮茗烟。神駿不隨支遁馬，清閑宜對遠公蓮。舊遊鹿苑曾相識，一落禪林又幾年。

梅邊睡鶴

困翼難巢滴露松，暗香浮處托孤踪。風生東閣春來早，月對南枝夜未中。夢與青鸞遊上苑，魂隨蝴蝶落芳叢。逋仙去後相知少，又向橫江掠短篷。

紅蜻蜒

蜻粉蜂黃氣正驕，愛渠款款集蘭苕。翅攢霜葉飛難定，目聚燈花焰未消。偷咀仙霞傳秘訣，戲塗腥血點纖腰。寫生好倩毘陵筆，濃蘸胭脂上軟綃。

黃蝶

誤入蜂房不待媒，巧傳顏色換凡胎。遠籬野菜留連住，何處金錢變化來。傳粉已知前事錯，偷香未信此心灰。上林鶯過頻回首，一色毛衣莫用猜。

鬼蝴蝶

飛鳥曾聞載鬼車，粉香何事亦隨邪。傷生不惜身投

火，抵死猶將命乞花。望帝精靈枝上血，韓憑魂魄墓前沙。一般有恨難消滅，夢裏相逢更可嗟。

蜂房

戶牖誰教各自開，花間衙退海潮來。分門豈慮漆丁惱，釀蜜應防聞課催。蟻穴尚能藏郡國，龍宮亦自有樓臺。書生苦欠立錐地，憑仗東風為作媒。

蛛網

來往巡檐不憚劬，經營何異緝吾廬。曉風倒挂蜻蜒尾，暮雨雙粘蛺蝶鬚。屋角儘教長掩護，杖頭不用苦駘除。夜來露重春烟暝，綴得瑩瑩萬顆珠。

燕泥

水溢芹塘過晚潮，土膏滋潤長蘭苕。
綠楊影裏和煙入，紅杏香中帶雨調。
舊壘綢繆惟恨晚，空梁零落可憐宵。
貪高笑爾雙烏鵲，結得危巢易動搖。

金魚

逐隊隨群樂自如，桃花浪暖變形軀。
散如萬點流星迸，裹似三春濯錦舒。
玉帶高懸知陛見，紫囊同賜憶朝除。
池中有此稱三寶，須備神龍攫火珠。

玉簪花

白露初凝氣候涼，花神獻寶助新粧。
移來銀色三千

界壓盡金釵，十二行秋水為神。
冰琢骨龍涎作炷，麝傳香不須石上憂。
磨折長在佳人翠髻傍。

鳳仙花

高臺不見鳳凰飛，招得仙魂慰所思。
秋露庭除蛩泣處，晚風籬落燕歸時。
金盆夜搗聲相應，銀甲春生色更宜。
好倩良工揮彩筆，寫成竹葉夾桃枝。

紅木樨

滴露研朱染素秋，輕黃淡白總包羞。
量空金粟知難買，擊碎珊瑚惜未收。
仙友自傳丹竈術，狀元須作錦衣遊。
一枝擬問嫦娥乞，管取花神暗點頭。

蠟梅

玉骨冰肌本自奇，年來何事貌如痴。
扼麝膺熏透，含風葢金粉粧成，帶雪枝簷下採香。
煩蝶使池邊弄色，妬鶯兒漢宮嬌額，誰能識。
恍惚相逢信，又疑。

綠萼梅

元是仙人綠萼華，偶隨春色到天涯。
捧心忽見眉顰翠映肉，長將袖捲紗。
應厭紅粧含蓓蕾，尚嫌碧蘚護槎枒。
待看結就含酸子，本色青青是一家。

白山茶

消盡林端萬點霞，萋萋綠葉襯瑤華。
寶珠買斷春前

景官粉粧成，雪裏花餘子競傳。
丹竈術此身，甘傍玉川家。
江頭梅樹無顏色，何況溪邊瑞草芽。

黃葵

仙臺風露淨，秋輝不數端陽蜀。
錦機正色粧成，菩薩面濃香熏透。
女真衣菊，投老圍開，何晚桂入蟾宮見。
亦稀獨捧檀心，能慰藉金杯，傾側醉相依。

胭脂菊

露浥霜凝色未消，只宜洗茜染倡條。
香從渭水波中漲，魂向陳宮井畔招。
春透桃腮開笑臉，酒蒸霞頰暈紅潮。
癡人費盡金錢買，擬向東籬見阿嬌。

西施菊

不惜金錢買冶容，移根應自館娃宮。
西風冷落三秋後，故園繁華一笑中。
戲蝶留連香徑晚，遊人帳望屨廊空。
莫教荳蔻偷銜去，留映蘇臺夕照紅。

荔枝菊

元是風流十八娘，七閩分種過南陽。
留連晚蝶窺紅顆，憑仗秋風折絳囊。
知味曾蒙妃子笑，採香還乞楚人嘗。
兒童一見爭攀取，佳實初經滿徑霜。

垂絲海棠

嫋嫋東風拂苑牆，天機呈巧織仙裳。
玉欄斜搭酣春

睡銀燭高燒，照晚粧。華屋兩寒，愁緒亂綺窗。
日暖唾茸香，詩成倘有纖毫補，願醉佳人錦瑟傍。

二色桃花

花神弄巧，泄分機異品，同根世所稀。
紅雨亂隨香雪墜，碧雲低，倚彩霞飛汗沾。
妃子新粧，面唾點，招儀舊舞衣好，似天台諸女伴，深顰淺笑送郎歸。

白楊梅

乃祖揚朱族最奇，諸孫清白又分枝。
炎風不解消冰骨，寒粟偏能上玉肌。
異味每煩山客贈，靈根猶是聖僧移。
水晶盤薦華筵上，酪粉鹽花兩不知。

紅瓢瓜

採得青門綠玉房，巧將猩血沁中央。結成晞日三危露，瀉出流霞九醞漿。溪女洗花新染色，山翁鍊藥舊傳方。賓筵滿把映盤飴，雪藕調冰倍有光。

紅藕

竅斷鮫絲面發紅，披心一笑逞妖容。提携纔出汗泥，內點塗重歸色界。中酒暈水腮，含蘊藉霞蒸。玉骨照玲瓏，六郎傳得還丹術，更約相尋太華峰。

捲荷

初出波心葉半含，乍舒還捲密浮藍。舞衣對束青鸞

錦封事齊藏綠玉，函酒沁碧筩。留客飲龜巢，翠茵倩誰探。南風漸見吹成蓋，又聽千聲夜雨酣。

斑竹

斑資合受管城封，老着萊衣跡愈窮。江上啼紅思二女，蔡邕投筆恨同宗。生花自合來仙鳳，全節何勞記守官。賴有良工能採擇，繡簾粧點認遺踪。

繡墩草

沿階傍砌密成叢，輭似青氈細似茸。葉底收藏惟嫩攬，花間映帶有芙蓉。佳人拾翠行窩穩，稚子攤錢坐席重。况有靈根供藥餌，美名重號麥門冬。

寄生草

要路閒門兩不過，生來惟戀舊枝柯。似嫌樹底泥塗滑，應愛梢頭雨露多。苒苒欲遮螻蛄，兀萋萋得近鳳凰窠。教坊樂府多新製，傳得佳名入艷歌。

虞美人

劍血多年尚有神，楚歌聲裏弄殘春。迎風似舞腰肢細，帶雨如含淚眼顰。江畔烏騅空躑躅，官中人貌可悲辛。青青只有明妃塚，長恨飄零作虜塵。

麥浪

翠濤無際拍天浮，水氣生涼四月秋。路隔隴頭高抵

岸人騎牛背穩如舟，腥風只恐藏魚鯨。雪羽頻看起鷺鷗，滄海桑田何足怪。黃雲割盡見平疇。

茶煙

濛濛漠漠更霏霏，淡抹銀屏翠講帷。石鼎火紅詩詠後，竹爐湯沸客來時。雪飄僧舍衣初濕，花落觥船鬢已絲。惟有庭前雙白鶴，翩然趨避獨先知。

竹風

直節綠何也，動搖枝葉葉散涼颼。佳人翠袖應憐薄，仙子青鸞不待招。晝靜空階如憂玉，月明深院好吹簫。何須更覓篔簹洞，便駕扶搖上九霄。

荷風

一陣南來一陣涼，扁舟來到水雲鄉。
吹開太華峰頭雨，散作西湖水面香。
清露瀉珠沾翡翠，紅衣墜粉妬鴛鴦。
飄飄香袖空中舉，知是誰家窈窕娘。

雪塵

朔風刮地捲寒埃，非霰非霜旋作堆。
密灑漁蓑粘玉屑，亂隨馬足散銀杯。
曉粧都棄香奩粉，夜坐頻挑銀筴灰。
世上熱官那識此，東華爭踏軟紅回。

霜信

碧瓦凝寒菊露浮，江楓葉赤水痕收。
故人有橘題書

後驛使無梅寄隴頭，僧報平安來竹院。
雁傳消息過蘋洲，相期月落烏啼夜，看闔嬋娟百尺樓。

騷選亡來雅道窮而於律體見送凡中出其佳者楊技十載
曾加刻精功此去多無伯樂後未當復有揚雄於空既係章編
絕舉世宗唐思未也 題自撰鼓吹律各以 照律存宗古

法木鼓後物

張木家咏物目錄

度	魚	字	睡	琴	絹	敗	鹹	蕊	越	春
影	玉	煮	鞋	畫	夫	葉	柳	雞	綠	草
瓜	瓜	雪	留	鼓	人	桃	絲	冠	牡丹	秋
木	瓜	聲	仙	艾	蠶	核	花	老	黃	游
瓜	豆	膏	裙	虎	蠶	艇	燭	年	丹	絲
豆腐	腐	花	妃	茄	橋	蓮	剪	紅	丹	白
梅	醬	白	襪	豆	走	人	棧	葉	絳	酥
酒	海	燕	紅	繭	馬	不	鞋	佛	蓮	紅
詩	城	白	指	花	燈	倒	杖	手	紫	梅
花	愁	鷓	甲	雪	織	翁	蒲	相	荊	杏
茶	醉	五	玉	獅	簾	雪	圍	僧	珠	花
手	腮	色	指	壺	蟹	笑	紙	蹊	蘭	無
肩	乳	鷓	環	虎	杯	人	萬	菊	諸	絲
耳	臂	畫	眼	門	槌	紗	鈇	梅	葛	海
愁	淚	眉	鏡	人	杯	燈	馬	水	菜	棠
		睡	手	膽	紙	美	蕉	仙	虞	白
		燕	爐	人	帳	人	弱	榆	美人	桃
		頰	雪	畫	菊	湯	竹	錢	秋	花
		貓	中	叉	挑	婆	衫	竹	海	夾
		銀	梅	茶	花	竹	桐	馬	棠	竹
		鼠	信	紅	被	夫	棧	荷	木	桃
		朱	水	半	醉	人	芦	錢	芙	玉
			中	臂		泥	葦	松	蘭	繡
			厂			預				

歸業山房

木威道人不治生產游逾半天下歸息苧邨之水樓
 嗒焉喪我若木雞也性嗜書以目眚弗能讀好登覽
 以脚輦不可行惟一二不羈士過從歌歎為樂每長
 林清寂水流花開環坐諸弟子論道說詩至聽者倦
 言者休則各舉一物道人從中哦之有所得即授筆
 投籠中積久紙墨遂多意薄色淡無足媚人蓋結習
 未除聊復爾耳夫賦物之難側聞其說矣取勝在語
 言文字外有物而無物乃臻化境東坡云論畫以形
 似見與兒童鄰作詩必此詩斷非知詩人斯語盡之
 而道人故隘於才匱於學其烏能否所云也漫與所

長木

至得七千言用以代叔寶清談庶幾平子絕倒已焉
知道人者當作如是觀癸巳流火木威道人張劭書
于水明樓

詠物詩

清門張劭木威著

春草

條風轉後漸，芊綿何處闌。山不默然纔，喚客愁來幾
日，又催歸思滿。今年榮殘細，靄鶻聲外迷。盡長途馬
足，前自笑出門無遠志。青袍空染五陵烟。

細接平沙澹，入空垂楊垂柳共。青葱眠留中酒，茵千
片踏送凌波鞦韆。數弓曉露正濃，新輦路夕陽猶綠。舊
離官六朝文物休，回首一笛荒坡自弄風。

塞北塵多易早黃，偏輸行樂在江鄉。尋詩有客池塘

引才
靜約鬪誰家姊妹忙紫陌迎風油壁軟平蕪過雨畫
樓香年年總付空濛裏謾放裙腰遠地長
蓬徑無媒雀可羅久拚生意老巖阿舊遊歌舞蹤全
沒新入登臨恨轉多一室蕭條懸石磬百年慷慨撫
銅駝無端慣觸王孫緒刺眼茫茫奈爾何

秋柳

天涯極目總蕭蕭幾為西風損嫩條花落盡隨輕薄
水絲殘猶絆別離橋密藏鶯羽黃俱退暗染人衣綠
未銷惟與先生存傲骨閉門慵折舊時腰
曾掃雙蛾入畫圖採蓮人去漸荒蕪風流老大張思

曼憔悴江潭屈左徒舞榭歌臺誰繫馬斜陽衰草自
啼烏祇應愁結長亭客攀到臨期影亦無
一聲涼思聒疎蟬此日登臨倍惘然不引香車來陌
上空牽錦纜去堤邊澹煙細雨三生夢燕子桃花隔
世緣正值客心搖落處何人橫管動霜天
濯濯芳姿過幾何那堪生意又婆娑難將婀娜三眠
態翻入淒涼一曲歌清露無情滋漢苑殘星有象挂
明河始驚王樹遭摧謝司馬金城淚未多

游絲

暖入青陽細欲浮非煙非霧弄綢繆曳風有影纖纖

起拖地無聲宛宛收曉絆宿醒隨寶馬午牽幽夢出
紅樓可能籠住韶華否駒隙奔忙客正愁
長於落絮軟於綿澹似朱繩滾似弦嫩去料難維白
日狂來直欲挂青天飛仙骨細追紅線舞女腰輕鬪
麗娟蠕動却來春二月捲舒隨意百花前
活潑天機徧眼中誰量千尺裊晴空常山陣勢懸微
象獨繭文心出化工繞柳縈桃無氣力趁鶯逐蝶慣
西東也知野馬拘孿少不與簷蛛結網同
整整斜斜意若何吹毛不信下銀河玉樓作賦應揮
翰織女相思或廢梭密綰秋蛇低入草巧傳新燕遠

臨波鏡中惹得華添鬢半為陽春白雪多

白蝶

謝家彩筆擅飛揚未見翩然字挾霜帶日有輝初點
藻御風無影忽過牆雙棲瓊樹原同夢亂逐楊花亦
太狂却笑羅浮誇五色寧知縞素是天章
麴塵何處不參差羨爾輕衫未化縞雪已盡時還舞
草梅纔開後忽粘枝閒窻春暗來先見午枕風清去
不知底事野花名濫竊寄人籬下畫燕脂
澹蕩風光何限情玉錢幾處簸無聲練裙織出新番
樣象板歌來舊製名匝徧綠蕪偏皎潔戲臨珠箔最

輕盈莫教舞入梨花去怕掩朱門不放行
鳳子纖纖采未加滕王粉本貌天邪香探金谷憐真
色魂斷青陵厭麗華弄影撲空鏤月扇成團翻碎繡
毬花前身合是飛瓊否猶鬪蜂黃到內家

紅梅

每從雪後選奇材花信如逢第二催領袖群芳須破
格消磨殘臘故遲開朱幡冷近青松挂翠幕香隨火
杏來一樣橫斜好半致絳宮仙子奪瑤臺
逸態爭標點額新那知絕代別魁春水霜燉煉顏纔
駐粉墨尋常貌不真結契歲寒呼豔友相思醉裏覓

幽人若教葺屋增華彩我住中央爾四鄰

游事前村已爛誇數枝璀璨水邊斜尋來狂墮騎驢
客肴殺閒停放鶴槎不改心腸同鐵石却將骨格換
丹砂玉容羞澁天然媚未許風流到杏花
七尺珊瑚拄小園櫻桃吹笛正開尊東風暖綻燕支
色細雨肥添懶髓痕綠鳳樓頭休比並赤欄橋畔易
黃昏美人不是酸寒態家在羅浮何處邨

杏花

餘寒勒後放溫磨燕嘴泥香帶雨痕牆外春風遊
路水邊紅影酒旗村玉樓倚醉遙相憶江店來逢又

引水成
斷魂采得莫從深巷賣，妬花人恐在朱門。

垂絲海棠

芳樹移來濯錦流，花開冪歷近高樓。風搖長蒂擎香，
重露滴含房，墜粉稠無數。紅蠶繅葉底，有時紺蜨宿。
枝頭美人睡起，閑臨檻鬢亂釵橫，一樣愁。

白桃花

玉蝶來爭露井，春隔牆香動影難分。雪裝觀裏都清，
致花映溪頭，總練紋綽約。艷魂離倩女，風流新寡卓。
文君祇愁人面重游，誤一樹紅芳已化雲。

夾竹桃

紅兒生本武陵津，却戴湘妃翠鳳巾。不向渡頭呼小
妾，故來林下學夫人。粧施朱粉嬌含笑，骨蛻琅玕澹
有神。好與佛桑相映立，從君畫出嶺南春。

玉蘭

瑤樹瓏鬆態絕塵，暗燒百和做陽春。蕙風拂拂籠綃，
襖麝月稜稜吐粉鱗。澹做唐昌真面目，清爭楚畹別
精神。謝家芳體何郎貌，花隔疎簾若有人。

繡球

積雪璫瓏樹欲寒，艷陽偏得滿欄干。多情粉蝶千枝
繞，無數梅花一帶攢。露滴芳心愁宛轉，月移香影愛

團欒紅樓難禁風拋去早付金錢譜上看

綠牡丹

姚魏紛爭富貴栽出塵綠萼自仙胎東君欲洗紅裙
宴西子初描翠黛來暗蒸名蘭噴萬斛亂懸么鳳下
平臺不知醉客瓊筵夜誰辨花如斗大開

黃牡丹

花品姚家舊長雄三千佳麗讓中宮蜂塗漢額由天
賦鶯織齊裳故自工富貴合裝金屋貯絲綸常捧錦
帟叢洛陽仙種誇如海紅紫翻然拜下風

絳邊蓮

月華初上鬪花枝擎出金塘色相奇玉佩層層沿彩
綫粉衣葉葉繞紅絲粧誇西子休全淡朱愛東鄰要
細施舞徧霓裳香欲綻霞光千縷射清池

茉莉

碎剪玻璃簇晚芳肯從素柰鬪清光翠移小樹來炎
海白放疎花過夕陽竹几泉滋冰盞冷紗幮風透瓦
盆香縮成一點珠毬好添上鬆髮浴後粧

珠蘭

別從九畹認名蘭蠟淚霏霏點翠紈纔露嚼休連串
採已花恐作未開看輕釵貫影搖金粟纖手分香替

玉盤到戶客先知，異種薰風一縷麝臍寒。

諸葛菜

扶疎紫翠應炎精，野蕪能將大姓爭。花史標堪垂不朽，草廬種豈傍先生。分叢尚托躬耕意，匝地空留割據情。已見敷榮徧吳魏，蜀都賦裏不須名。

虞美人

霸業烟消產尚靈，美人曾怨楚歌聲。化為香草還留姓，開遍江東亦不情。三尺艷憑西子石，一抔笑壓戚姬塋。有知若信無知好，按拍臨風舞未成。

秋海棠

滴滴燕支短短叢，飛來彩蝶占墻東。鴛鴦簪冷紅新點，蟋蟀欄低翠乍籠。艷態不勝寒露裏，睡情多在月明中。莫教開近芙蓉殿，長信佳人怨守宮。

木芙蓉

西風幾簇冷銀塘，初日高樓照艷粧。蜀女鏡中開粉靨，楚臣木末採紅裳。謾誇濯錦常臨水，不合爭名獨拒霜。枝上猶憐雙翠鳥，護持香色過重陽。

雞冠

霜後花晴發好姿，枝枝獨立媚秋輝。鬪風有冑紅纓亂，啼月無聲翠羽垂。茅屋吐蕤留看處，幽人側帽對

談時可知不羨雲中響，黑伴山窓作守雌。

老少年

暈飛彩暈出苔斑，如葉如花映晚山。
餐盡風霜成冶質，養從蕭瑟返紅顏。
微陽巧挽長春住，小草私將大造還。
笑我愁根空自種，欲憑青女手全刪。

紅葉

霜飛艷艷萬楓間，錯認春從世外還。
青女鋪朱應太費，木公剪綠未稍閒。
風翻酒旆花千塢，水滌漁竿錦一灣。
不是深秋好顏色，有誰冷澹去看山。

佛手柑

駢拇秋叢結早霜，金仙錫號自蠻鄉。
落枝未厭無名指出，袖俄驚有異香。
扇底舊懸拳尚小，盤中新簇掌初黃。
木奴也得維摩法，滿握天花散道場。

僧鞦韆菊

幾緗鮮濃帶露懸，相呼料是蹋蘆年。
一根夙傍青蓮地，雙蓋應拈白足禪。
石上有香趺夜月，牀頭無影脫秋烟。
閒花也愛逃方外，不肯東籬伴醉眠。

蠟梅

驛使衝寒到草堂，南枝剛亞北枝黃。
蠟丸暗報春前信，金鑠偷開病半香。
雪裏俄驚犀化樹，歲殘錯認蜜

留房橫斜收入鶯溪幅合染藤脂喚趙昌

水仙

海上靈根不受塵金盤沆瀣濯花新試從擁袖垂鬟
認恐是凌波解珮人翠帶蕭疎珠放彩黃冠歌側玉
為神何緣謫到江南北水雪清融一段春

榆錢

五銖鑽火冶清明散作蚨飛萬個輕歷歷選青天有
色蕭蕭簸綠地無聲根疑泉府偷靈氣樹笑銅山銜
富名遙集一囊省不得飄零空買路旁情

竹馬

龍孫變化作房精騎出街頭浪得名君子曾方千里
駿先鞭好著小書生嬰年故事忙相逐近日新官嬾
去迎却與鳩車分道戲學過花下一驕鳴

荷錢

水衡新鑄一溪煙淵客難將萬縷穿買斷橫塘沽酒
路誘來十里採花船江妃暗解雙雙珮越女平鋪箇
箇鈿幾日薰風吹易大寶光青徧鏡中天

松鍼

磨盡寒崖葉有鋒犬夫豈為繡山龍巢枝毛鶴不嫌
刺覆頂破雲應嬾縫風縷穿殘聲謾謾天衣補後影

茸茸好呼韋，偃織毫畫旁。插青磁作小峯。

柳線

搓就鵝黃色，正稠神鍼誰敢度。枝頭斜飄綺陌穿，風細低拂銀塘絆。路柔金縷月寒高，士宅流蘇春艷美人樓。六宮繡譜難收拾，空繫江南塞北愁。

花禧

曳粉飄香一纛斜，剪裁應費護春家。綉旗女子威儀盛，錦繡夫人號令賒。插並金鈴搖赤羽，懸從翠帳映紅牙。出遊已擁花神仗，不怕封姨妬彩霞。

燭剪

張起飛蛾兩翅空，煙花採遍露盤中。分膏香染金鴉嘴，去蠹光流玉樹叢。騷客詩窓煩刻韻，佳人繡幕藉催工。一枝也勝吳剛斧，斫退重陰徹夜紅。

梭鞋

海樹奇毛織就輕，道人放脚有閒情。雙飛紫鳳凌山起，逐步清風入夏生。詩上繡奩隨拂挂，畫中看稱採芝行。只休送與珠裝客，不曉紅塵去走名。

梅杖

香斲孤山捎地材，摩抄七尺有仙胎。雪中攜訪新帘去，竹下拖尋舊友來。綠鳳隨肩橫夜月，紫蛟和袖卓

春苔歲寒牢付高人手吹遍東風花未開

蒲團

千絲水葉細成編百結平沈在下邊仙竈坐殘雲共
冷佛燈跌老月同圓不時摸索非逃釋隨意工夫也
入玄莫笑山家閒骨董幾人能得此清緣

紙鳶

畫裏休看郭恕先巧糊片楮作翩躚影馳空碧搖雙
帶聲過行雲鼓一弦避雨飛來芳草地乘風游徧綠
楊天黃昏人倚樓頭望添箇紅燈到上邊

鐵馬

八駿連環結陣圓盤風相擊復相牽蹄翻銀鑿齊懸
地轡勒金羈欲上天何事不嘶還帶甲真疑奔敵却
無鞭那堪思婦擔前聽萬里沙場信未旋

蕉扇

一輪細織鳳鳶叢絕勝蒲葵伴乃翁暑退綠搖天上
月涼生暗引石邊風草書未灑高僧墨花氣猶飄美
女紅贈與北窓人助爽不須移簟臥墻東

竹衫

齊腰卉服亦消炎穿就幽篁異織簾魚網飾風涼易
透鮫綵辟水汗難粘身逃張薦裁應好心愛王猷著

引才成
未嫌莫怪眼中微有刺此君元與熱人砭

桐牋

報秋天上札誰裁不自王家紙庫來玉版新沾金井
露烏絲盡染石欄苔龍蛇高館千張落蟋蟀西堂滿
幅哀似壁如圭渾剪就好題詩寄鳳凰臺

蘆筆

揮灑休嫌翠管輕文通曾夢雪花明臨池古篆秋蟲
落掃壁黃沙冷雁橫月下題笳逢蔡女霜前畫荻避
班生若教拈盡江天幅定有蕭蕭風雨聲

敗筆

中書憊矣合辭官脫穎愁非少進看石坂草荒耕已
輟烏欄花落掃應難身閒但倚珊瑚架髮短初拋竹
籜冠濃淡舊情成一夢休從時輩競鋒端

桃核船

仙子何妨亦泛春綏山留種取材新一彎好載青田
酒半殼難裝古渡人直是啖餘浮柳岬幾時偷去入
花津濟川不用雕蟲技款乃身邊合避秦

蓮蓬人

芰衣聊復被殘香宵逐秋風傀儡場擎罷青葱辭大
蓋結來紅粉別華房苦心盡嘔何人賞碧眼空留獨

自傷雅事惟堪洗，銅雀欲將遺愛答周郎。

不倒翁

莫朝空腹大如瓢，小技還能狎酒徒。短簿行參雖活，
發朱衣亂點却糊塗。名因偶在相排衆，命不能安片
睡無六訝侏儒偏。倔强欲將匍伏刺魁梧。

雪美人

無聲珮下絳河津，姑射仙姝忽現身。衣濕六銖猶帶
水裙燒百蝶，未逢春楚臺行。後情初嬾梁苑飛來態，
轉新何事玉妃留不住。寒窓宵伴讀書人。

紗燈美人

烟綃八面繞，輕盈競束紅粧倚彩檠。神女凌波春不
去，姮娥奔月夜無聲。小名試叫先誰下，百媚分看各
自生。直是巫山雲幾朶，被風吹作步虛行。

湯婆竹夫人

小星有職判西東，次第寒暄各自通。老婦新封湯沐，
邑夫人故有竹林風。腸因九轉情多熱，節為全消淚
不紅。從此佳期須互召，夢魂分老二鄉中。

泥孩絹美人

弄丸剪綵並天生，攜上花纒綽有情。琢粉香兒應怕
洗，綉鞋嬌女尚羞行。七襄未擅先成服，大塊初來便

得名合認，焦僥為故國，一雙祇欠笑啼聲。

養鶴

飛潛山海未相於，飽肆芝田忽並居。老鶴不鳴因聚
蟻，大鵬已化尚名魚。馮驩食罷乘軒出，丁令魂歸漏
網餘。骨立終愁仙驥瘦，曾經涸轍又鹽車。

福燈

木奴高捧九枝烟，紅歎星毬萬點圓。錯落燒殘湘浦
夜，玲瓏照出洞庭天。花飄仙子敲棋處，香爇佳人擲
果邊。送與陸郎應炙手，碧紗籠去當金蓮。

走馬燈

角陣華堂駕彩檠，翩翩羽騎夜環城。勞師急為烽烟
色，轉戰嚴無號令聲。電掣盤空爭趙幟，火攻出險走
燕兵。軍前合作燒香宴，影亂梅花鬪月明。

織梅簾

玉骨冰心歷亂抽，織簾居士住羅浮。透來東嶺千絲
月，映出南檐一幅秋。高士杯中香暗動，美人衣上翠
橫流。玲瓏未隔尋詩夢，依舊吳山楚水遊。

蟹杯

酒旗張處弄河兵，郭索揚威出甕城。令下捧觴時
請醉，來扛鼎只橫行。到臍已美青州味，入手尤豪吏

部情真笑無腸，能滿吸菊花筵，有落潮聲。

槎杯

舫是當年歡伯裁，燒春一掬付沿洄。江東未載兵厨去，海上重裝仙醞回。舟子觀風輕故泊，篙工解意滿方開。髯仙量窄三蕉葉，應怕抽篷轉柁來。

紙帳

無取銷金適我情，安心却有楮先生。華胥迎秋雲初起，剡曲迴舟月正明。隔霧鶯啼殘酒破，遮香蝶弄小詩成。不妨雪事人高臥，夢與梅花一樣清。

菊枕

先生秋興滿山牀，薄采東籬錦一囊。老去溫柔情更澹，倦來清瘦句偏香。不貪夢到黃金穴，但覺神遊處士鄉。松月半牕人半醒，飛歸蝶翅也微涼。

蘆花被

米茨鋪衾勝絮肥，窮漁翻笑富家稀。栖同落雁寒初障，夢逐閑鷗暖欲飛。沙月壓篷香瑟瑟，江春浮艇雪霏霏。曉來不捲西風去，分得餘溫上釣衣。

蟬琴

晚涼清散起秋空，一柱無絃韻不窮。初泛仙音愁蛻月，旋翻羽調怨隨風。鳳枝斜抱隘高曲，毳袖雙翹鼓

化工忽被螳螂驚雅奏又移餘響過疎桐

鼃鼓

蠢族何知效正平也穿單襖沸狂聲怒從井底搗千
點強欲城頭亂五更青草雨多泥正滑綠揚風細月
初明池塘幽處淵淵起打斷尋詩夢不成

艾虎

於菟伏莽七年求縛到端陽烈性留河上不驚來競
渡山中有禁搏蘄州風搖白額長林午嘯起蒼毛五
月秋笑與癡兒頭腦插穩教身健博封侯

茄牛

東鄰摘取傍泥欄欲借常蔬作大餐初剥紫皮誇特
殺旋蒸黃肉謬犧盤庖丁未慣彭亨解甯戚猶將齏
栗看戒食何閑窮圃事落蘇也比太牢難

蠶豆

白花翠莢倚畦低桑女輕筐採更携磊磊綠珠嵌鳳
眼紛紛紅袖剥香泥煮連晚筍縹車響鬪向新茶布
穀啼真味田家誇不少薰風一項夕陽西

繭花

素苞黃繭結離離玉蛹生來不蠹奇陌上採桑催信
早官中剪綵鬪芳遲抽從園客絲纏辮插向蠶娘艷

孃枝只有晉陽栽，處好穩無風雨擾花期。

雪獅

拳毛何處到寒宵，滕老驅來大海遙。怒踞冰山疑挾石，吼乘陰氣欲追飈。火攻只怕蠻烟起，白戰無難象陣消。笑汝猙獰還冷淡，幾曾搏兔過花朝。

鹽虎

威據厨頭莫浪猜，水晶盤上爪牙開。斑斕盡剥留羊質，氣味還投配豹胎。濕帶海波拋穴渡，寒衝山雪負嵎來。封侯已付天懷淡，金鼎何須借鞅才。

門神

功名一紙笑空虛，也比凌烟畫影初。每到殘年催致仕，却逢新曆當除書。衣冠濫買光朱戶，靈爽難邀式敞廬。腹負將軍真宰相，赫然相對立何如。

船人

萬里浮槎仗至剛，獨將機括運鳴榔。寄花踴躍知仙路，貫月精靈識帝鄉。搔首鏡潭常照影，科頭柳岸一乘涼。此身雖笑如錐卓，却與風波作主張。

畫義

推髻雙梳玉質長，無眠只為掌文房。捉來湘浦一鈎月，懸起鵝溪萬縷霜。山水布開宗炳宅，雲烟飛出輞

川莊米家舫裏閑無事借與挑錢老雪堂

茶臼

如規小碓受靈芽合傍瓷甌竹竈家山腹冷敲翻綠
雨雲窩深碾出金沙移來影奪藍橋玉洗罷香欺月
窟花喚起道人消渴夢天風數杵夕陽斜

半臂

何須全錦表風華雅便詩翁手八叉短履鶯毛翎未
滿雙披荷葉藕微遮休疑割袖香初斷却喜隨肩暖
易加底事曲江人醉去忍寒不顧笑情奢

睡鞋

樣減銷金軟勝綿象床斜坐試將眠纖纖縫就雲分
瓣窄窄兜來月上弦未怯春風吹彩鳳只愁夜雨濕
紅蓮玉郎瞥見心先醉索傍銀燈掌上憐

留仙裙

昭陽舞態欲盤空六幅飄翩忽御風嬌燕蹴翻湘縠
翠狂花攪擗海榴紅不飛練影歸天上重挽烟霏落
掌中何似麻姑能化蝶黃裳免使出深宮

楊妃襪

一瓣芙蓉也簇金春光護住縷裙深綵雲飛入三郎
手纖日來鈎七夕心淺窄樣憐依鳳鳥傳觀香意出

鴛衾蚤隨仙子凌波去未必蒙塵落羽林

紅指甲

碎杵花房染玉纖經宵依樣放花尖拂牋素几桃翻浪浴硯清池彩映蟾豈為繡鍼彈絳蠟非關金鼎撒紅鹽海棠欄角支腮倦數點鴛鴦枕上粘

玉指環

一彙細琢費工夫黃雀銜來入袖羅戒取井欄沉辱女潔爭月暈抱嫦娥初拈春筍雙穿滑微褪紅痕淺印多記得帝郎親脫贈再生攜手不消磨

眼鏡

冷光匣底出霏微黑蝶分張翅欲飛星隔絳河雙耿耿月懸銀海並輝輝朦朧透霧花能辨黯淡依燈草易揮大阮不愁青白廢圓冰自解發清機

手爐

松灰籠煖袖先知銀葉香飄篆一絲頂絆梅花平出網腰環竹節臥生枝不愁凍玉碁難撚且喜玄霜筆易持縱使詩家寒到骨陽春腕底已生姿

雪中梅信

蟠龍裂凍放鱗青吟向西風笛裏聽幽客先知催蠟展美人如笑隔晶屏正從五六分花瓣未任橫斜逐

絮零消息何須傳驛使冷香為我報茆亭

水中鴈字

萬里浮沈信始旋一行淡墨過江天洞庭霜冷曉傳
札滄海月明秋滿篇鳥篆半懸澄水帛蟲文多落衍
波濺子卿無限書空恨印破蒼茫幾處烟

煮雪聲

飛瓊夜降玉川家羽扇頻揮散素花珠瀑頻開喧火
井錦隄旋繞響水車天寒銀漢迎陽瀉地煖松風送
臘譁喚起賞心陶學士早梅香底配龍芽

賣花聲

霧裏携香叫助粧一絲宛轉破晨光歌將上苑千秋
艷吹入深閨兩鬢香紫陌喚來狂蝶蝶紅樓驚起睡
鴛鴦檐頭換得金錢去又弄餘音過畫牆

白燕

遠榭飄零海氣黃清輝來鬪鬱金堂香巢並坐纔聯
璧綠逕低飛忽墜霜未許紅綠傳玉女休將艷曲動
文梁珠簾對捲東風裏舞碎梨花澹日長

白鸚鵡

不借禽王彩賁身雪衣娘子自精神能歌紅嘴爭樊
素學舞霓裳傍太真栖穩玉樓花外雨夢殘珠樹隴

頭春新來念得觀音號莫倚聰明又罵人

五色鸚鵡

陸離毛羽選蠻鄉合喚能言小鳳凰才子殺身緣錦
繡嘉禽何事銜文章休牽照水山雞妬儘較開屏孔
雀強金鎖玉鈎誇富貴誰憐歸路彩雲長

畫眉

小鳥平分倒暈名澹黃杏子刷雙翎雕籠妬伴因爭
撫粧閣催人欲掃青嫩柳梢頭憐自立遠山樓上喚
誰聽前身應記張京兆教碎花陰月滿庭

睡燕

剪柳栽桃困乍催闌珊舞袖倦飛回棲來畫棟花為
枕夢去金堂蝶作媒萬里歸心尋碧海一春絮語避
紅埃玉人為打啼鶯起風暖泥香滿巷苔

懶貓

養空勤費夜呼性慵奈像主人何鬚鬚爨爨穴防寒
早目送跳梁戒殺多食少魚腥春悶悶眠殘花影雪
皚皚長卿四壁雖如水誰管偷詩物似梭

銀鼠

杏山穴產耀靈龜獵網追風捕幾何竄地捷于逃月
兔跳空亮比擲星梭松林溜粉霄還避雪窖爭輝冷

却過總為微名誇世寶新來冠服借伊多
朱魚

天然二十燦游空婢妾恩波炫守宮鏡鼓細鱗春濯
錦未燒纖尾冷搖紅金盆陣走桃花水玉粒星攢苦
草蕞莫笑池中難變化文章早已奪天公

玉瓜

匏葉藤花覆架涼薦新老圃摘微黃生逢是月先登
曆種出誰家却姓王按節祇同苦菜秀譚禪聊共紫
茄香金螯玉薤活還賤未必烏衣子受嘗

木瓜

瓠落秋山未滿林茆齋投我比雙金釀成且健看花
步詠羅空存報李心傍枕香濃憐夜煖堆盤色久驗
霜深近來碩果留無幾珍重東陵此素馨

豆腐

漉珠磨雪濕霏霏煉作瓊漿起素衣出匣寧愁方璧
碎憂羹常見白雲飛蔬盤慣雜同羊酪象箸難挑比
髓肥却笑北平思食乳霜刀不截粉酥歸

梅醬

枝北枝南採作幾紫蘇添釀碧罌香不須鹽豉和羹
下儘有甘泉攪味長澱齒解醒良可喜攢眉飲水亦

何傷七道好付醯人手萬縷酸風夏欲涼

酒海

弱水三千出醴陽一泓盡染作鵝黃南山倒影堪為
罽北斗橫空每挹漿飲許如鯨吞百谷量休將蠡測
鴻荒謫仙誤向長安臥家在蓬萊是醉鄉

詩城

樹幟登壇闢四門麗譙旗鼓壓崑崙千軍欲掃攻難
破萬象能收甲暗屯李杜專司閔不拔曹劉割據壘
猶存受降更許誰家策五字金湯犖處尊

花愁

平生酷愛把春看及對芳菲轉不歡忽忽繁華如夢
裏茫茫紅紫是憂端東皇醞釀憎風雨南國陰晴怯
煖寒欲喚奈何花不語數聲鷓鴣倚欄干

茶醉

鑿池不號杜康泉滿竈花香急自煎至味肯從糟粕
問高情別向澹濃傳掃愁七碗仍神暢得趣三杯亦
睡緣別有山僧為飲伴清風兩腋共酣然

手

弱揣吳綿擢素遲亂飄春雪為彈絲風吹撲蝶香連
扇燭照藏鈎玉並卮密意十分搔背夜新愁一種捧

心時纖纖慣自籠紅袖更捲珠簾露向誰

腮

抱玉含珠好輔車徐妃半面遜風華眠餘易覺紅生
暈醉裏難禁淺著霞夜月雙歌飛白雪春風一笑綻
桃花縱饒北地臙脂色何似閑支向碧紗

肩

小立依依比陸郎遠峰削就覺衫長鬟垂舞不捎烏
鵲釵溜眠還壓鳳凰醉後雙頰寒起粟別時一拍手
分香折花那怕王昌見艷影今年未及牆

乳

融酥年紀好韶華春盎雙峯玉有芽畫檻橫依平半
截檀槽側抱一邊遮香浮欲軟初含露粉滴纔圓未
破瓜夾捧芳心應內熱莫教清楚着單紗

耳

金環從小蓄圓門冰雪聰明慧性存有樣半輪分月
魄無瑕雙璧種芳根閑心側向瑤琴細掠鬢斜臨玉
鏡温最是惜花通軟語羞紅微上欲銷魂

臂

半捲鮫綃露未全側拈菱鏡勢應偏橫添枕上香拋
玉屈倚腮邊藕放蓮金釧寬籠粧閣曉丹砂密護守

官年柔情只許仙郎，惜啣後纏紗印宛然。

愁

茫茫如海復如籠，萬古誰能寄碧翁。
花落鳥啼春去後，夢殘酒醒月明中。
極天風雨垂揚暗，滿地關山杜宇紅。
平子自來誇賦手，小樓倚徧只朦朧。

淚

銀海微波激灑，生情源不斷，易縱橫。
紅冰難使春風化，玉筋長隨夜漏，傾寂寞，高樓悲鏤燕。
淒涼永巷怨啼鶯，誰堪更灑離亭路，散作瀟瀟冷雨聲。

夢

曾聽鈞天九奏，來重幃深下，亦悠哉。
三杯綠醕，尻為馬一枕黃梁，鼻似雷蝶，向花邊尋世界，鹿從蕉下認根芽。
可知覺後何非幻，因想空勞彥輔猜。

影

依稀相識便相從，一笑元非陸士龍。
何忍寂寥燈下別，故宜蕭散水邊逢。
白描未合傳神手，烏有偏分抱道容。
却怪乾坤如許大，更無佳地着浮蹤。

引才屋

Blank page with vertical lines for text.

文政八年乙酉仲冬再校

京堀川通高过上ル町

植村藤右衛門

大坂心齋橋通安堂寺町


秋田屋太右衛門

江戸通新石町

須原屋源



書物問屋



早稲田大学図書館

011688992852